

黃鵠山志

卷八十七



黃鵠山志卷七目錄

藝文 古今體詩

黃鵠山 一名黃鵠山

高觀山

唐一人 國朝九人

沈如鈞 一首

顧景星 二首
高觀山一首

沈棟 一首

張開霽 二首

劉應霖 四首

萬裕鵬 一首

張杲 二首
高觀山四首

譚溥 一首

王熙綰 二首

程之楨 一首

黃鵠山志 卷七

目錄

退補齋藏板

黃鵠磯

劉宋一人 宋一人 國朝十二人

鮑照 一首

周弼 一首

張連登 一首

馮廷樾 一首

顧景星 一首

金德嘉 一首

石鈞 一首

桑調元 一首

張九鉞 一首


葉廷芳 一首

張開霽 一首

田慶年 一首

李樹瀛 一首

黃文琛 一首



黃鶴樓

唐 十人

宋 十二人

元 八人

賈島 一首

王維 一首

崔顥 一首

李白 五首

顧況 一首

白居易 一首

杜牧 一首

李羣玉 一首

羅隱 一首

盧郢 一首

張詠 一首

蘇軾 一首

蘇轍 一首

范成大 一首

黃鶴山志

卷七

目錄

二

退補齋藏板

王十朋 一首

陸游 一首

游儀 一首

劉鑑 一首

張俞 一首

高似孫 一首

羅與之 一首

周弼 三首

岳珂 一首

陳孚 二首

丁鶴年 一首

馮子振 一首

余闕 一首

劉詵 一首

釋大圭 一首

郝經 一首

黃鵠山志卷七

永康胡鳳丹月樵編纂

藝文

古今體詩

唐沈如筠

句容人橫陽主簿見全唐詩

望黃鵠山張君

全唐詩作寄張徵古

寂歷遠山意微杳半空碧綠蘿無冬春彩煙

一作雲

照作

竟朝夕張子海內奇久

一作耐

為巖廊

一作中

客聖君多作

當又作勞夢想安得老松石

江夏志

顧景星

見卷六

黃鵠山志

卷七

藝文

退補齋藏板

鵠山望桃柳

春城過雨柳齊芽弱綠參差俯萬家半醉沿山鏗屐齒

愛從斜日看桃花

桃花深處暖雲浮隔樹紅妝倚翠樓正是瀟湘春色好

明朝欲買洞庭舟

本集

國朝沈

棣

字雲友自號石帆山樵本浙江會稽人後占籍為善化人著有兼山堂詩鈔

秋夜登黃鵠山頂

崇巖秀中圍清氣滿籬落夜月揚秋光馳情在邱壑寒

花媚幽石疏林帶高閣迢遞上蘭皋瀟灑憩蘅薄其下

煙雲生須臾羃寥廓江漢已潛形安問城與郭惟覺此

山孤青天蓋四幕願拍仙人肩相呼騎黃鶴本集

國朝張開霽字曉峯永綏人道光辛卯舉人由安陸知縣官至湖北候補道著有石莊詩集

和王夢崧觀察登黃鵠山追次吳荷屋先生韻

城邊空自憶高樓劫火三經我尚留崔顥至今傳大句

武昌從古擅雄州雁初飛過天無際鶴不歸來仙亦愁

南向岳陽舒望眼白雲橫處去帆收

西北風高首重回秋清會見亂塵開能銷滿地兵戈氣

要得超羣戰伐才興到揮毫聊作賦酒酣拔劍不知哀

黃鵠山志卷七 藝文 二 退補齋藏板

與君試上峯頭立看取晴霞散綺來本集

國朝劉應霖字小峯襄陽人

謙黃鵠山麓鍾菊潭學博招同人謙黃鵠山麓出鴻泥留爪圖索題作此酬之

黃鵠磯頭客翩然騎鶴來江城五月暮共聽笛中梅展

想南樓莅樽從北海開武昌秋月滿長憶謫仙才

百戰文壇傑如今六十強諸公皆袞袞此老故堂堂名

在儒林傳經傳弟子行奉觴還一笑故態未嫌狂

我家襄水曲君住沔江邊拙宦徇微祿歸耕憶薄田閒

耽山水趣願結笠簑緣何日辭官版追思一惘然

雲夢浩秋煙清貧守一壺浮蹤千里合流水廿年前飲
酒慚陶令稱詩對鄭虔知音今幸遇羞澀伯牙絃 同聲
詩鈔

國朝 萬裕鵬 字翔雲黃岡人道光癸卯舉人興國州學正

前題

黃鶴樓頭江月明月中一一鶴飛聲八年五聽梅花落
千載難逢桃實生況有文章傳弟子何須富貴到公卿
武昌城畔青青柳半是當時手種成 同上

國朝 張 杲 見卷六

黃鶴山志 卷七 藝文

三 退補齋藏板

晚歸迂道訪黃鶴山

秋從西郊來欲尋杳無跡徒倚望眾山矐言在疇昔斷
雲倚殘照清泉隱危石倦鳥暝不歸林壑黯將夕流光
誓不返景物各變易幽草日已黃虛嵐日已碧我思素
心人相閒在咫尺月明照蘿徑懷抱各有適 本集

暮登黃鶴山

空山已薄暮悵望夕陽西寺遠磬聲寂峯高人影低石
花環古磴松子落長蹊指點深林裏眞爲隱者棲 同上

國朝 譚 溥 字仲牧號荔仙湘潭人客游楚粵閒著有四照堂詩集

登鶴山弔常文節公

大清

古堞四面秋風寒鴉羣逐陣盤雲還浩劫茫茫滿塵土
白日黯淡埋空山破瓦堆中鬼燐碧熱血影裏斜陽殷
戰場慘裂悲風大撫景徘徊一長嘔晴川波浪冷雄藩
漢陽沙草餘凋瘵此日湖天殺運收陰飈旋雨來荒邱
可憐白骨縱橫地中有將軍哭斷頭

本集

國朝

王熙

字夢崧澤州人道光己酉拔貢官湖北補用道著有夢崧詩草

登黃鶴山次吳荷屋中丞韻

亂餘莫問古時樓黃鶴危磯跡總留景擅漢陽川上閣

黃鶴山志

卷七

藝文

四

退補齋藏板

地雄雲夢澤南州仙踪杳杳人難訊秋水茫茫客正愁
鴻雁不來勞北望中原何日戰塵收

新秋暑退又涼回江上青山面面開訪古空懷三國事
題詩曾費幾人才淘殘今古濤猶壯話到滄桑劫更哀
不用臨風吹玉笛白雲依舊我頻來

本集

國朝

顧景星

見卷六

高觀山再看桃花次韻

舊時山下賣桃翁會見山桃幾度紅鹿苑當年園寢地
兔葵今日楚王宮正宜細雨門深閉不是看花客莫通

惆悵郊原春色賤小開攀折惱村童

本集

國朝

程之楨

字維周江夏人咸豐辛亥舉人同治元年大挑知縣以母老改補黃岡教諭卒於官著有

維周詩鈔

薄暮踏月登高觀山

薄暮陟層巘煙中樹陰直羣鴉歸茂叢林燈出虛壁初
見白玉盤絢此丹桂色素彩流長天清光照四極瘴癘
一以消翹翹何由匿騎鶴仙之人廣寒永今夕裊裊仙
風來金粟落橫笛

本集

國朝

張

杲

見卷五

黃鵠山志

卷七

藝文

五

退補齋藏板

偕詩愚登高觀山卽景懷古

高山如橫枕大江如環帶此境良獨奇俛仰乾坤大涼
風吹人衣蕭蕭動天籟歸鳥喜有託歡鳴雜清瀨落日
下扶桑浮雲倚華蓋人居矮屋中我來青天外

西山峙黃鵠碧嶺何崔巍野叟扶杖出言採西山薇往

哲亦已渺

楊清端公祠在山下

仙蹤長與違

世傳黃鵠山仙所居

上下千百

載誰爲揚清徽我欲問青天雲霞長紛飛浩歌懷往昔

徙倚不能歸

有酒常不飲不如撒金卮有山常不登不如無險巖人

生若輕塵後事安可知少小長抑鬱歡樂無幾時寥寥
空山中懷古發幽思世外有浮雲一笑且置之 本集

高觀夜雨

禪房二十畝修竹三千竿高枝向晚風搖碎新琅玕蕭
蕭復浙浙夜雨走急湍天籟發清興側耳流雲端 同上

鮑 照 字明遠東海人晁公武讀書志作上黨人照
或作昭蓋唐人避武后諱所改照為臨川王
子頊參軍沒於亂兵遺
文零落著有鮑參軍集

登黃鶴磯

木落江渡寒雁還 一作 風送秋臨流斷商絃瞰川悲棹

黃鶴山志 卷七 藝文 六 退補齋藏板

蒼 謳適郢無東轅還夏有西浮三崖隱丹磴九派引滄 一作
流淚竹感湘別弄珠懷漢游豈伊藥餌泰得奪旅人

憂 本集

宋 周 弼 字伯弼汝陽人
著有端平詩稿

舟次黃鶴磯

俯爲江山特地來勢須時暫走塵埃稍閒便著攜官酒

一醉吳王舊釣臺 本集

國朝 馮廷樞 字大木德州人康熙壬戌進士官中書舍人
丁卯典試湖廣作詩一卷名曰晴川集王士

禎嘗序之又有京
集雪林集曹村集

黃鵠磯

沔江駭浪流淙淙夾岸屹立雙芙蓉黃鵠高峙郡城角
倒插石壁當其衝上載萬古神仙宅下榻千尺蛟龍宮
我客江郊百無事獨著雙屐攜長筇斜日慘淡山徑黑
窮秋蕭瑟楓林紅緣巖歷磴到絕頂危樓突兀臨三重
森然魄動當檻立參旗斗柄搖虛空俯首長江一帶耳
翻疑天塹難為功迴身欲倚江閣立四窗白霧寒濛濛
神仙有無墮荒邈英雄割據空遺蹤冠古人才零落盡
感時五嶽排胸中山雨初來樓角暗躡級欲下心忡忡

黃鵠山志

卷七

藝文

七

退補齋藏板

憑高放眼一長望茫茫八極雲雨風

國朝別裁集

國朝

張連登

字

咸陽人康熙五十二年官湖北按察使旋授巡撫

黃鵠磯觀渡

黃鵠磯頭楓葉凋江風吹岸草蕭蕭賈客收帆泊殘皋
鳴榔擊榜聲嘈嘈迴波四面天週遭忽爾窮陰作怒號
白浪斜飛百尺高奔雲捲雪山動搖流光閃閃滾銀濤
中有小艇浮鴻毛手打兩槳口歌謠左顧右盼舟不操
蜻蜒點水波上飄欲翦不翦如迎潮翻笑江豚拜浪勞
觀者失色魂盡消小船已過龜山坳我欲凌虛奠八鰲

莫教洪水日滔滔和風甘雨不鳴條四海安瀾頌聖朝
江夏志

國朝
金德嘉

字會公廣濟人康熙壬戌進士官翰林院檢討晚年鍵戶著書與同鄉顧景星張仁熙劉

醇驥追摹秦漢宗尚王李
著有居業齋文集別集

黃鵠磯歌呈姚陟山先生

黃鵠磯上鵠鷗呼鄂王城頭鬼張弧亂兵歛起撫軍徂
從容就義葉大夫街北巷南坐狗屠長官往往遭拘俘
蒼頭手挽金僕姑乞兒腰懸玉鹿盧丹書魚腹叢祠狐
亂階實始於僧雜督學使者披氍毹踉蹌出走城西隅
黃鵠山志 卷七 藝文 八 退補齋藏板

家世生長茗雪區出門咫尺須人扶一朝短衣竄榛蕪
雞鳴出郭午未舖斜陽草店卧泥塗荆棘刺體無完膚
此身乃脫黃巾污變故可憐起須喫狗鼠偷竊依荏苒
惜哉中丞幕府龔徙薪曲突一籌無坐令閭左倒倉儲
豢養凶人同虻蚰扁舟汗漫太白湖邂逅沔陽舊生徒
難火燎衣水澆跌坐定屈指算狂徒三旬藁街懸頭顱
亡何將軍果援枹脅從竄伏渠魁誅澄清江漢息戎輜
澤宮無恙草花琴先生就舍省畫厨紅籤碧軸雨沾濡
白晝縱橫黠與颯東望故里吳興郭千尋古松千尺梧

窪樽亭子松雪圖歸去招尋故人俱菰城爲園且荷鋤
時清不用談兵符有暇且泛前溪艫不然采藥東海娛
金銀宮闕探蓬壺

本集

鬪顧景星

見卷六

黃鵠磯

儼舍宜江檻移尊對石磯埠船爭客渡沙燕間人飛問

句傳崔穎逢仙說李機不須騎鶴返城郭已全非

本集

鬪桑調元

字汝甫錢唐人雍正癸丑進士官工部主事著有五嶽集

登黃鵠磯和鮑明遠韻

黃鵠山志

卷七

藝文

九

退補齋藏板

鮮霞絢晨旭涼颺鳴早秋榜童學楚舞估客揚商謳優
游心跡曠漫浪身世浮黃鶴絕還影清川奔逝流洲渚
檣輕棹樓觀攀舊游撫此一尊酒忘彼千歲憂

恒山集

鬪石鈞

字遠梅吳縣人著有清素堂詩集

登黃鵠磯

杖策來登黃鵠磯渡頭寥落楚人稀烟暝北渚船初泊
楓冷西江雁又飛巴焚尙傳潛醜類檻車終治玩兵機
捷書近報頻乘勝急向川中共合圍

蘭言集

鬪葉廷芳

字客堯號松亭溧水庠生其先金陵人上世客遊漢口遂家焉以子繼雲官封中憲大夫

後以曾孫名琛官大學士贈光祿大夫著有花餘亭詩存

仙桃跡在黃鵠磯上

度世仙桃隱薜蘿行人日日此經過傳名何必徵虛實

孝子原無慈父多

本集

國朝張九鉞

字紫峴號度西湘潭人乾隆庚辰副貢壬午舉人官江右廣東知縣凡六任卒年八十三

著有陶園詩集

黃鵠磯壙

鵠飛磯斷城尖愁渺渺浮圖當素秋白日鈴搖老蛟匿
黑風江抱神燈遊可憐鄂渚盡為草何代楚王餘此印

黃鵠山志

卷七

藝文

十

退補齋藏板

惟有樓頭尋李白一帆相與凌滄洲

沉湘耆舊集

國朝

田慶年

字文祉本溪州人世為容美司宣慰使

黃鵠磯頭九日作

萬里秋風九日來干戈載道此登臺故園祇在清江畔

不識黃花開未開

同上

國朝

張開霽

見前

重陽後一日借譚力臣同年登黃鵠磯

黃鵠不飛鸚鵡死東西滔滔大江水世閒那得有仙人
眼前亦復誰名士磯頭突起新樓閣勢壓高城炫丹牘

斜陽在樹樹爭紅風來亂葉磯頭落城高要欸白雲護
雲飛過江留不住晴川又厭濁塵侵飄然直向長空去
甲帳色憑旌旆壯聲威更借江心浪何處招尋鵝鸛來
但見羣鴉噪城上大府昨朝送客回送巴都護之
荊州將軍任秋風
正放菊花開我欲登高一憑眺馬蹄騰踔紛相催今與
君向上頭坐指點煙波鷗鳥閒徘徊狂吟豪飲胡爲哉
安能壓倒當年崔李之奇才 本集

國朝黃文琛 字海華湖北漢陽縣人道光乙酉舉
人官湖南知府著有思貽堂詩集

省試後回家兄泛舟黃鵠磯下對月放歌

黃鵠山志 卷七 藝文 十一 退補齋
藏板

江風吹月月徐行江水洗月月有聲扁舟翫月兼弄水
微雲捲碧空江明黃鵠磯下最險絕飛濤激石秋雪傾
篙師放手鬪矯快片帆斜度武昌城江月皎皎在上頭
上有縹緲之飛樓鱗裳羽蓋腰玉笛仙人跨鶴時來遊
我羨仙人樂復樂何時乞與一丸藥使我換骨生毛羽
飄飄不住塵中腳蒼梧北海倏往來颺輪夜駛天門開
琉璃宮闕最高處法曲親聽紫雲回 本集

國朝李樹瀛 字香洲石首人廩貢生興國
州訓導著有棲雲山房詩鈔

曉發黃鵠磯呈畢津溪

山城欲曉寺鐘催葉蒲帆帶雨開白髮一梳明似雪
洪濤百丈響如雷空聞楚相求龍意莫上燕王市駿臺
萬里長風聊借汝孤舟相送到蓬萊 本集

唐賈島

字閻仙范陽人初為僧名無本後返初服舉進士不第坐謗責授長江主簿終於普州司倉參軍著有長江集

黃鶴樓

高檻危簷勢若飛孤雲野水共依依青山萬古長如舊
黃鶴何年去不歸岸映西州城半出烟生南浦樹將微
定知羽客無因見空使含情對落暉 本集

黃鶴山志

卷七

藝文

三

退補齋藏板

唐王維

字摩詰河東人工書畫與弟縉俱有俊才開元九年進士擢第調太樂丞歷右拾遺監察御史左補闕庫部郎中天寶末為給事中後責授太子中允遷中庶子中書舍人復拜給事中轉尚書右丞著有王右丞集

黃鶴樓送康太守

城下滄江水江邊

一作高高黃鶴樓朱闌將粉堞江水映悠悠

悠鏡吹發夏口使君居上頭郭門隱楓岸候吏趨蘆洲

何異臨川郡還勞

一作來又作逢

康樂侯

本集

唐崔顥

汴州人開元十一年登進士第有俊才累官司勳員外郎天寶十三年卒著詩一卷見全

唐詩

黃鶴樓

昔人已乘白雲去一作黃鶴去此一作茲地空餘一作留黃鶴樓

黃鶴一去不復返白雲千載空悠悠晴川歷歷漢陽樹

一作芳春草萋萋一作青鸚鵡洲日暮鄉關何處是一作

在烟波江上使人愁全唐詩

唐李白字太白隴西成紀人涼武昭王暠九世孫或曰山東人或曰蜀人明皇召見金鑾殿有詔

供奉翰林著有太白集三十卷

送元公歸鄂渚

桃花春水漲之子思乘流峴首臨江浦江邊問鶴樓贈

黃鶴山志卷七藝文三退補齋藏板本集不

君青竹杖送爾白蘋洲應是神仙輩相期汗漫游

黃鶴樓送孟浩然之廣陵

故人西辭黃鶴樓煙花三月下揚州孤帆遠影碧空盡

惟見一作此長江天際流同上

與史郎中欽聽黃鶴樓上吹笛

一為遷客去長沙西望長安不見家黃鶴樓中吹玉笛

江城五月落梅花同上

黃鶴樓按蕭本作樓錢唐王本作望黃鶴山

東望黃鶴山雄雄半空出四面生白雲中峯倚紅日巖

巒行穹跨峰嶂亦冥密頗聞列仙人於此學飛術一朝
向蓬海千載空石室金竈生烟埃玉潭祕清謐地古遺
草木庭寒老芝朮蹇予羨攀躋因欲保閑逸觀奇徧諸
嶽茲嶺不可匹結心寄青松永悟客情畢 同上

醉後答丁十八以詩譏予搥碎黃鶴樓作

黃鶴樓高已搥碎黃鶴仙人無所依黃鶴上天訴玉帝
卻放黃鶴江南歸神明太守再雕飾新圖粉壁還芳菲
一州笑我爲狂客少年往往來相譏君平簾下誰家子
云是遼東丁令威作詩調我驚逸興白雲繞筆窗前飛
黃鶴山志 卷七 藝文 古 退補齋藏板

待取明朝酒醒罷與君爛漫尋春暉 同上

按楊升菴先生云李白過武昌見崔顥黃鶴樓

詩歎服不復作而賦金陵鳳凰臺其後禪僧用

此事作一偈曰一拳搥碎黃鶴樓一腳踢翻鸚

鵝洲眼前有景道不得崔顥題詩在上頭原是

借此一事設詞非太白詩也流傳之久信以爲

眞宋初有人僞作太白醉後答丁十八詩一首

樂史編太白遺詩遂收入之 楊升菴外集

唐顧

況

字道翁海鹽人至德二年進士德宗時官秘書郎遷著作郎貶饒州司戶參軍晚年退居

茅山自號華陽真逸集有皇甫湜序三十卷今存者華陽集三卷

黃鶴樓歌送獨孤助

故人西去黃鶴樓西江之水天上流黃鶴杳杳江悠悠

黃鶴徘徊故人別離壺一作酒盡青絲絕綠嶼沒餘烟

白沙連曉月本集

白居易唐字樂天下邽人貞元中擢進士第初補校書郎元和初召為翰林學士左拾遺穆宗初徵

為主客郎中歷杭蘇二州刺史文宗立遷刑部侍郎俄移病除太子賓客分司東都拜河南尹開成初改太子少傅會昌初以刑部尚書致仕卒贈尚書右僕射謚曰文自號醉吟先生亦號香山居士

著有白氏長慶集

黃鶴山志 卷七 藝文 五

赴黃鶴樓盧侍御宴一作盧侍御與崔評事為子於黃鶴樓置宴宴罷同望

江邊黃鶴古時樓一作置華筵待我遊楚思淼茫雲

水冷商聲清脆管絃秋白花浪濺頭陀寺紅葉林籠鸚

鵝洲總是平生未行處醉來堪賞醒一作堪愁本集

唐杜牧字牧之京兆萬年人太和二年登進士第官至中書舍人著有樊川集

寄牛相公赴黃鶴樓崔侍御宴

漢水橫衝蜀浪分危樓點的拂孤雲六年仁政謳歌去

柳繞春堤處處聞本集

唐李羣玉字文山澧州人赴舉一上而止裴休觀察湖南延致之大中八年詣闕進詩授宏文館校

書郎著有
李羣玉集

黃鶴樓

江上花樓灝氣閒，滿簾春景見羣山。青嵐綠水將愁去，

深入吳雲暝不還。全唐詩

唐羅

隱

字昭諫，餘杭人。本名橫，十上不中第，遂更名。累官錢塘令、鎮海軍掌書記、節度判官、鹽鐵發運副使。著作佐郎，授司勳郎。後羅紹威推為叔父，表薦給事中。著有羅昭諫集。

黃鶴樓

野雲芳草繞籬邊，勿向東流倚少年。秋色未催榆塞雁，

客心先下洞庭船。高歌酒市非狂者，大嚼屠門亦偶然。

黃鶴山志

卷七

藝文

去

退補齋藏板

車馬同歸莫，同恨古人頭白盡林泉。

本集

唐盧

郢

里居仕履未詳

黃鶴樓

黃鶴何年去杳冥，高樓千載倚江城。碧雲朝卷四山景，

流水夜一作空

傳

三峽聲。柳暗西州供寫望，草芳南浦徧

離情。登臨一向須回首，看卻鄉心萬感生。

江夏志

宋張

詠

字復之，濮州鄄城人。太平興國五年進士。歷樞密直學士，出知益州。真宗初，入為御史中丞，出知杭州。再知益州，進禮部尚書。卒，謚忠定。自號乖崖，著有乖崖集。

登黃鶴樓

重重軒檻與雲平一度登臨萬想生黃鶴信移烟樹老
碧雲魄亂晚風清何年紫陌紅塵息終日空江白浪聲
莫道安邦是高致此身終約在蓬瀛

本集

宋蘇

軾

字子瞻眉山入嘉祐二年進士乙科對策除中書舍人翰林學士歷端明殿學士禮部尚書紹聖初坐訕謗安置惠州徙昌化徽宗立赦還提舉玉局觀建中靖國元年卒於常州高宗朝贈太師謚文忠著有東坡前後集和陶集應詔集

李公擇求黃鶴樓詩因記舊所聞於馮當世者

黃鶴樓前月滿川抱關老卒飢不眠夜聞三人笑語言
羽衣著履響空山非鬼非人意其仙石屏三叩聲清圓

黃鶴山志

卷七

藝文

七

退補齋藏板

洞中鏗鉉落門關縹緲入石如飛煙雞鳴月落風馭還

迎拜稽首願執鞭汝非其人骨腥羶

一作未堅

黃金乞得重

莫肩持歸包裹做席氍毹衣穿茅屋光射天里間來觀已

變遷似石非石鉛非鉛或取而有眾忿

一作

誼訟歸有

司今幾年無功暴得喜欲

一作莫

顛神人戲汝真可憐願

君爲考然不然此語可信馮公傳

本集

宋蘇

轍

字子由與兄軾同登進士舉制科哲宗朝代軾爲翰林學士累拜尚書右丞進門下侍郎自紹聖初至崇甯再被謫貶晚罷祠居許州復大中大夫致仕自號穎濱遺老卒追復端明殿學士涑熙中謚文定著有東坡前後集應詔集

賦黃鶴樓贈李公擇公擇時知鄂州

前年見君河之浦東風吹河沙如霧北潭楊柳強知春
樽酒相攜終日語君家東南風氣清謫官河壩不稱情
一麾夏口亦何有高樓黃鶴慰平生荆江洞庭春浪起
漢沔初來入江水岸頭南北不相知惟見風濤湧天地
巫峽瀟湘萬里船中流鼓楫四茫然高城枕山望如帶
華棖照日光流淵樓上騷人多古意坐忘朝市無窮事
誰道武昌岸下魚不如建業城邊水本集

宋范成大見卷五

黃鶴山志卷七

藝文

文

退補齋藏板

黃鶴樓

誰家玉笛弄中秋黃鶴飛來識舊游漢樹有情橫北斗
蜀江無語抱南樓燭天燈火三更市搖月旌旗萬里舟
卻問鱸鄉垂釣客武昌魚好便淹留本集

宋王十朋

字龜齡樂清人紹興二十七年進士第一孝宗朝累遷起居舍人侍御史改吏部侍郎歷四郡守以龍圖閣學士致仕謚忠文著有梅溪集

黃鶴樓

雲鎖呂公洞月明黃鶴樓抱關非故卒誰見羽衣游宋

詩紀事

宋陸游見卷五

黃鶴樓

手把仙人綠玉枝
吾行忽及早秋期
蒼龍闕角歸何晚
黃鶴樓中醉不知
江漢交流波渺渺
晉唐遺跡草離離
平生最喜聽長笛
裂石穿雲何處吹

劍南集

宋游儀

儀

字伯莊長平之勝士早游京師自北方縱覽名山已而浮洞庭歸隱武溪之上

黃鶴樓

長江巨浪拍天浮
城郭相望萬景收
漢水北吞雲夢入
蜀江西帶洞庭流
角聲送千家月
帆影中分兩岸秋

黃鶴山志

卷七

藝文

九

退補齋藏板

黃鶴樓高人不見
卻隨鸚鵡過汀洲

宋詩紀事

宋劉鑑

鑑

字清叟號立雪江西人少年才氣卓犖渾蹇不第中更世故感頰悲吟年踰七十卒著有立雪蒙

登黃鶴樓

西風吹我登黃鶴
白雲半在闌干角
題詩不見舊時人
惟見青山俯城郭
萋萋芳草鸚鵡洲
江水滾滾無時休
歲月俯仰成春秋
古人今人無限愁

本集

宋張俞

俞

字少愚益州郫人屢舉不第用薦除祕書省校書郎願以授父顯忠而自隱於家文彥博治蜀為築室青城山白雲溪以處之號白雲先生有白雲集

楚中作

渺渺洞庭野蕭蕭黃鶴樓水通雲夢浦人渡沔陽舟廣
澤侵吳壤孤城接郢邱山分三楚斷溪入九江流寂寞
休兵月紛紜戰國秋吳生來赤壁魏武定荊州六代憑
形勢羣雄死寇讐淒涼帝子宅浩蕩禰衡洲萬里浮雲
暮千年故國愁武昌宮不見麋鹿自羣游

宋詩紀事

宋

高似孫

字續古餘姚人文虎子淳熙十一年進士
官校書郎守處州著有疎寮小集

答武昌吳廣文

平生不識武昌樓官柳青青好在不庾亮笛吹黃鶴月

黃鶴山志

卷七

藝文

三

退補齋藏板

簡棲碑駁碧苔秋山橫赤壁含情斷水出瞿唐快意流
何處叫君同一醉並舟秦女擘篋篔

宋詩紀事

宋

羅與之

字與甫螺川人著有雪坡小藁

黃鶴樓

翬飛棟宇據城端車馬塵中得異觀雙眼莫供淮地潤
一江不盡蜀波寒老仙橫笛月亭午騷客懷鄉日欲殘
獨撫遺踪增慨慕徘徊不忍下層欄

本集

宋

周

見前

晚登黃鶴樓

戚戚登臨地淒淒欲暮天相看數株柳不聽一作盡一聲
蟬山冷雲生絮江空月上弦無緣捨塵事閒對白鷗眠
端平詩集

春暮登黃鶴樓

欲盡殘春酒登臨事已違聽殘懷舊笛添盡禦寒衣鳥
向青山没人來赤壁稀最憐城側樹無可作花飛同上

黃鶴樓歌

城上危樓高縹緲城下澄江復相繞有時漾影入中流
俯看遊魚仰飛鳥近樓多少未行舟滿江落花灑汀洲

黃鵠山志

卷七

藝文

三

退補齋藏板

人同江狎不怕浪登樓對酒彈箜篌大別山頭白雲起
金口渡頭雨如洗半鉤新月上孤城還照江樓與江水
晴江依舊瀉潯陽黃鶴無由歸故鄉一聲玉笛起何處

燕撲闌干花影長

同上。按此詩湖北舊聞緣誤作夏竦詩今据端平詩集更政

宋岳

珂

字肅之號倦翁彰德人霖子甫十齡隨父帥廣開禧初爲鎮江饗幕庾吏嘉熙初除戶侍

總饗歷寶謨閣直學士提舉太平興國宮以恩封鄴侯著有玉楮詩藁金陀粹編

黃鶴謠寄吳季謙侍郎時季謙自德安入城予適

以使事在鄂

廬山白鶴歸來雙縞衣素袂元爲裳翅如車輪夜橫江

風聲曾走淮淝羌戛然長鳴下柴桑芝田啄粒遙相望
何人網羅脩高張上扶雲漢旁八荒一隨鵬鷗驚遠翔
低頭不肯謀稻粱一罹罟弋沮澤旁局身筠籠翅摧藏
鸚鵡洲畔葭葦鄉水雲蒼蒼江茫茫九皋欲聞聲不揚
回顧鷗鷺羞顏行忽聞緜笙度宮商紅塵俯視有底忙
磯頭刷羽今正黃欲搥此樓呼酒狂

宋百家詩存

元陳

孚

字剛中台州臨海人以布衣上大一統賦江浙行省聞於朝署上蔡書院山長後朝臣交薦授翰林院編修官出使安南還除翰林待制調建德路治中秩滿復請典鄉郡授台州路治中卒謚文惠著有玉

堂交州桐江河山等稿

黃鶴山志

卷七

藝文

三

退補齋藏板

登黃鶴樓

黃鶴樓前木葉黃白雲飛盡岸茫茫櫓聲搖月歸巫峽
燈影隨潮過漢陽庚令有塵汚汗簡禰生無土蓋文章
闌干空有當年柳留與行人說武昌

交州集

黃鶴樓歌

業業乎黃鶴之樓兮突起乎天之東南吾不知其幾百
尺兮踞石磴而仰望眩金碧之眈眈手捫星漢如可近
但見天飈吹髮寒鬢髮瞿唐三峽之波濤洶涌訇擊而
下兮雷聲怒撼乎江潭忽繞城以北滙淨若萬頃之青

藍楚山數點鸞騰蛟躍兮碧影倒浸乎烟嵐殘霞似落
未落兮蒲獵獵以風偃柳裊裊以露含武昌亭臺一十
萬瓦光參差浮梗楠下視十二之衢兮絃服士女東西
行者貌蠕蠕之吳蠶黃鶴之仙人霓歌青瑤簪御絳旌
於列缺倒景兮偶見我以大笑欲駐我以征驂攀東溟
之博羅曜折西極之優鉢曇飲我以葡萄鴨頭之綠酒
兮侑我以洞庭之蒼柑洞庭帝子鼓軒轅之瑟兮舞干
戚而撞宮函白也挾赤鯨以旁睨崔顥怩縮而不敢以
談浩浩乎萬丈之氣兮長虹橫空天矯而方酣下蟠黃
黃鶴山志

卷七

藝文

三

退補齋
藏板

之輿上幹元之堪安得挽招搖以酌元氣兮妙太極而
函三慨彼在晉如焚如燠陶司馬之狂悖庾大令之貪
恠鸚鵡之洲何罪而戮赤壁之磯何功而戮吾豈若二
三子斲崑崙之璞兮輕蹈夫太阿之鐔飛來兮黃鶴跨
汝從兮彭聃

同上

元

馮子振

字海粟攸州人仕爲承事郎集賢
院待制自號瀛洲客著有海粟集

題黃鶴樓詩

鶴樓千尺倚

一作俯

晴闌大別山頭舞峻鸞昨日英雄無

問處依然江漢湧波瀾

本集

元 丁鶴年

以字行其先西域人父職馬祿丁徙居武昌因以丁為氏省臺交薦凡九上皆不就著有海集

黃鶴樓

半空金碧何代樓仙人鶴駕曾一遊雕檻看雲楚天曉

珠簾捲月湘江秋樓前雲月長無恙禰賦崔詩

一作禰崔詩賦

角清壯西風忽動庾公塵仙人仍歸九天上

本集

元 劉

字柱翁廬陵人江南行臺屢以遺逸薦不就至正十年卒年八十三謚文敏著有柱隱集

和龍麟洲題黃次翁黃鶴樓圖

孫曹百戰何在大江千載狂瀾誰倚樓頭呼鶴秋風落

黃鶴山志

卷七

藝文

十四

退補齋藏板

日危闌

歷代題畫錄

元 余

字廷心一字天心色目世居武威以父官合肥遂家焉元統元年進士累官淮南行省左丞分守安慶陳友諒陷城自刎死

贈行省平章謚忠宣著有青陽集

黃鶴樓

崔巽黃鶴嶺巋構楚材澄江還畫楯連城抗鉛階雕

衡朱雀峙淵井綠荷開隱見長沙渚想望陽雲臺晴霄

一仰止輪奐信美哉淮南儻好道日夕化人來

本集

元 郝

字伯常其先潞州人徙澤州之陵川遂家焉累薦名赴闕廷官翰林侍讀學士充國信大使使宋卒贈昭文館大學士資善大夫謚文忠著有郝文忠公集

使使宋卒贈昭文館大學士資善大夫謚文忠著有郝文忠公集

黃鶴樓

江漢天西傾斷岸蹙寒雪石城踴高樓瞰臨勢縣絕雲
夢吞八九沅湘在眉睫層軒掩石鏡更欲壓大別千帆
落山巔萬檣擁舟楫中天卷晴嵐不與人世接縹緲多
飛僊超搖有遺跡前缶黃鶴來重與添顏色丹梯插青
空萬丈生金碧聞說呂洞賓題詩滿新壁至今起香霧
怪字人不識仙語龍蛇亂醉墨江山溼有時橫長笛吹
落漢陽月洞庭與彭蠡一聲忽穿徹我方溷戎馬對面
兵塵隔焉能載酒上雲閒覓仙客當年禿髮翁幾度喚

黃鵠山志

卷七

藝文

一五

退補齋藏板

李白不見狂處士亦為重嗟惜高賢共長往矯矯不可
得落日聽江聲西風冷蕭索

元

釋大圭

字恒白姓廖氏晉江人至正閒居泉州之紫雲寺著有夢觀集

題黃鶴樓圖

仙樓縹緲隔蓬萊黃鶴西飛竟不回倚遍闌干秋水闊
征帆一葉漢陽來

歷代題畫錄

黃鵠山志卷七

終

男宗廉校字

黃鵠山志卷八目錄

藝文 古今體詩

黃鶴樓

明 三十七人

楊基 二首

管訥 一首

王偁 一首

李東陽 一首

陸淵之 一首

秦金 一首

唐錦 一首

顧璘 一首

王守仁 一首

楊慎 一首

黃鵠山志 卷八

目錄

一

退補齋藏板

夏言 一首

廖道南 二首

王格 二首

羅洪先 一首

王世貞 一首

張居正 一首

徐學謨 一首

吳國倫 一首

林章 一首

蕭良有 一首

鄒迪光 一首

郭正域 二首

毛一公 一首

張鳳翼 一首

鄧原岳 二首

袁宏道 一首

袁中道 一首

龔三益 一首

萬燦一首

巖首昇一首

錢澄之四首

蔡道憲一首

江瓘一首

邢昉一首

陶汝鼎一首

陶汝鼎一首

施均一首

國朝四十五人

彭而述一首

劉子壯一首

王孫蔚一首

許虬二首

陳廷敬一首

楊大鯤一首

黃鵠山志 卷八

目錄

趙士麟一首

陶之典一首

程封一首

吳綺二首

釋戒顯一首

胡鳴臯一首

禪岱一首

佟世恩四首

施世綸一首

潘耒一首

朱彝尊一首

金德嘉一首

張希良一首

顧景星七首

阮玉堂一首

石崑森一首

陳確一首

易最一首

退補齋藏板

陳一揆 一首

王致 一首

張文炳 一首

簡能 一首

陳之馭 一首

陳大章 一首

魏坤 一首

李為霖 一首

夏嘉瑞 一首

張連登 六首

涂天相 一首

沈國梓 一首

楊紹奇 一首

李東白 一首

汪文孫 一首

張若衡 一首

張鵬翀 一首

周廷贊 一首

黃鵠山志 卷八

目錄

三

退補齋藏板

朱倫瀚 一首

熊賜履 一首

劉統勳 一首

黃鵠山志卷八

永康胡鳳丹月樵編纂

藝文 古今體詩

明楊

基

字孟載嘉州人大父仕江左遂家吳中洪武初知榮陽縣歷山西按察副使著有眉菴集

雪中登黃鶴樓

黃鶴樓前水平岸春雪當空水撩亂東風知我欲登樓
助以瓊瑤作奇觀昔人黃鶴去不回我騎白鳳橫江來
遙看歷歷漢陽樹一色盡是梨花開人間何處最奇絕
百尺闌干滿江雪氣壓滕王閣下雲興高庾亮樓中月
黃鵠山志 藝文 卷八 一 退補齋藏板

瀛洲咫尺非難到鶴背琪花落烏帽載酒誰能問謫仙

題詩未必無崔顥江上一作得此情一作無敵頃刻銀

蟾蕩瑤碧更着仙人紫衣一作裘卧聽呂巖吹鐵笛本

集

雪中再登黃鶴樓

平生不願萬戶侯亦不願識韓荆州但願武昌連日雪
日日醉登黃鶴樓樓前絕景冠今古况有繽紛雪花舞
玉樹參差認漢陽銀洲浩蕩迷鸚鵡江頭兒女走欲顛
謂我自是騎鶴仙白雲飛盡黃鶴去此景不見三千年

我拍闌干爲招手世上神仙果何有桃李非無頃刻花
江湖亦是逡巡酒他日重來五百春樓前花草一番新
相逢不識純陽子何用重尋回道人同上

明管

訥字時敏華亭人洪武中以秀才任楚府長史子孫皆仕於楚今爲楚人著有蚬窠集

黃鶴樓

黃鶴西飛去不回青山高棟自崔嵬當年賣酒人何在
今日題詩客又來舟繫城邊官柳發笛吹江上野梅開
白雲只在闌干外安得乘之徧九垓松風餘韻

明王

偁字孟揚東阿人永樂改元聘至京待以殊禮授檢討充大典副總裁著有孟揚集

黃鶴山志

卷八

藝文

二

退補齋藏板

登黃鶴樓

迢迢江上樓飛構梯層宮黃鶴何年來結巢白雲中仙
人整羽蓋一往無遺踪瑤笙紫河車瀟洒餘天風至今
啟重關呵守虎豹雄雕簷敞白日闌檻標晴虹我因駐
旄節登攀興何窮神行萬物表目送雙飛鴻依依烟際
帆遠落三湘東霜清楚天碧樹盡荆門空長辭愧禰生
高興懷庾公落日下樓去烟水青濛濛本集

明李東陽

見卷六

寄題黃鶴樓簡秦開府

扁舟我憶江頭泊曾上高樓訪黃鶴仙踪恍惚不足論
俯視淵澄仰寥廓石根嵯岬若天鑿棟宇參差連地絡
斷岸秋橫赤壁磯驚流夜濺觀音閣衡岳雲開鴻雁峯
洞庭水落魚龍宮使槎賈舶日來往其上或與雲漢通
鶴飛已識員方勢鷗擊似起扶搖風舊遊鬢鬢不再到
前日少年今老翁江東才子中臺彥萬里乾坤跡應半
碧嵩青岱幾停車楚水荆山一揮翰登斯樓也記須成
望美人兮君不見晝日偏明多繡衣炎天不改冰霜面
憑將激濁揚清手坐使澄江淨如練歸雲倦鳥亦何心

黃鶴山志

卷八

藝文

三

退補齋
藏板

目送高飛入霄漢

懷麓堂藁

明

陸淵之

字克深上虞人成化丙戌進士官至河南布政使著有東臯集

黃鶴樓

落日江流帶女牆飛樓百尺俯蒼茫筵前卻怪當年事

鸚鵡何緣滯楚鄉

本集

明

秦金

字國聲無錫人宏治癸丑進士授戶部主事歷郎中初遷河南提學副使改右參政歷山東左右布政使擢右副都御史巡撫湖廣官至禮部尚書轉工部尚書卒贈少保諡端敏

黃鶴樓次李西涯閣老韻見寄

黃鶴枕江江外泊樓外橫空有孤鶴萬里乾坤一望中

景象蒼茫胸次廓古洞崕岬猶鬼鑿朱簾斜映青絲絡
鸚鵡洲寒月滿臺漢陽樹暝雲連閣烟嵐紫溼芙蓉峯
蓬萊飛墮神仙宮繙書無塵白日靜乘槎有路青霄通
神遊八極匪汗漫毛骨颯爽凌天風瀟湘逶迤悲帝子
樊口幽絕留坡翁題名總見金閨彥箇中風月平分半
雲鶴誰降絕代詞龍蛇或出驚人翰旬宣蹇我來何遲
突兀燕樓駭新見憂樂常關范老懷霜鐵甯改趙公面
天開畫圖真奇哉失卻丹青披素練北望君門思渺然
萬古朝宗此江漢

江夏志

黃鶴山志

卷八

藝文

四

退補齋藏板

明唐

錦

字士綱上海人宏治丙辰進士官至兵科給事中再督江西學政卒年八十著有龍江夢

餘錄

題黃鶴樓次李西涯少師韻寄鳳山院長

扁舟鄂渚連宵泊一尊聊伴樓頭鶴月光照人如鏡明
水色涵空更澄廓樓背小亭白石鑿裂處似有藤蘿絡
欲將勝致付毛生掌中杯酒且權閣凌晨歷覽周遭峯
村童野曲鳴商宮官清萬口詫奇遇民隱九重偏易通
戰馬千羣卧芳草山川百二皆春風瀕江小歎亦偶爾
全活正賴青州翁中臺大夫南國彥胸中石渠有其半

經綸餘滴灑秋風
流水行雲看染翰
名樓秀句兩爭雄
千載題詩今再見
憑欄獨把廟堂憂
舉頭懶識江山面
酒酣攜笛傍梅花
吹徹楚雲飛碎練
不須高語驚星辰
聲名久已登霄漢

松風餘韻

明顧

璘

字華玉號東橋吳縣人宏治丙辰進士由廣平知縣擢南京吏部主事出爲開封府知府
歷浙江左布政山西湖廣巡撫官至刑部
尚書著有國寶新編○按明史作上元人

題黃鶴樓

黃鶴仙人身姓誰
空傳崔顥舊題詩
雲荒赤壁周瑜壘

江繞青山夏禹祠
浮世古今空灑淚
高臺歌舞幾銜卮

黃鶴山志

卷八

藝文

五

退補齋藏板

天寒月白孤鴻遠
徙倚闌干送目遲

湖北舊聞錄

明王守仁

字伯安號陽明餘姚人宏治己未進士官至兵部尚書封新建伯著有王陽明集

夢遊黃鶴樓奉答鳳山院長

扁舟隨地成淹泊
夜向磯頭夢黃鶴
黃鶴之樓高入雲
下臨風雨翔寥廓
長江東來開禹鑿
巫峽天邊一絲絡
春陰水潤洞庭野
斜日帆收漢陽閣
參差遙見九疑峯
中有巖窠重華宮
蒼梧雲接黃陵雨
千年尙覺精神通
忽聞孤雁叫湖水
月明鐵笛橫天風
丹霞閃映雙玉童
醉擁白髮非仙翁
仙翁呼我金闈彥
爾骨癯然仙已半

胡爲尙局風塵中不屑刀圭生羽翰覺來枕簟失煙霞
江上清風人不見故人仗鉞鎮湖襄幾歲書來思會面
公餘登眺賦詞葩醉墨頻勞寫緗練寫情投報愧瓊瑤
晴晴秋陽濯江漢

江夏志

明楊

慎

字用修新都人正德六年賜進士第一授修撰嘉靖甲申兩上議大禮疏廷杖謫戍雲南永昌衛天啟初追諡文獻著有升菴集

登黃鶴樓

江上危樓海內名登臨不盡古今情風前估客蒲帆影
夜半仙人玉笛聲春水雪消巴子國煙波晴接漢陽城

黃鵠山志

卷八

藝文

六

退補齋藏板

東南暇日多嘉會笑指浮雲望太清

本集

明夏

言

字公謹貴溪人正德十三年進士授行人擢兵科給事中官武英殿大學士卒諡文愍著有桂洲集

秦鳳山招飲黃鶴樓次西涯公韻

武昌樓頭畫船泊城上高樓起黃鶴銀榜孤懸逼太清
朱甍下瞰臨寥廓參差石勢傍巖鑿控帶城闈連井絡
磯下潭深鮫杵鳴檻前水落漁舸閣青天飛來鳳凰峯
赤霞掩映仙人宮煙濤微茫溟海接雲氣翕忽蓬萊通
四時簾捲楚天雨萬里帆開巫峽風仗鉞欣逢鳳山老

題詩共憶西涯翁春日登臨盡才彥授簡揮毫酒行半
自慚銜命事奔走敢爲升堂埽詞翰白雲黃鶴向來聞
晴川芳洲今始見天開壯觀自千古地擁雄都當一面
已看黎庶樂昇平近喜強兵休訓練多暇來時又一時
轉見高情屬江漢

本集

登黃鶴樓

黃鶴仙人載鶴飛白雲樓閣枕漁磯烟波風日無今古
城郭人民有是非題詩崔顥不可作芳洲之樹仍依依
鄉關戎馬堪流涕獨倚朱欄送落暉

同上

黃鶴山志

卷八

藝文

七

退補齋藏板

明廖道南

字鳴吾蒲圻人正德辛巳進士官至翰林院
侍講學士謫徽州府通判尋復舊官著有楚
紀詩文集等編

黃鶴樓留別許督學伯誠

千仞飛樓凌紫煙重城閣道入青天樽前日月低紅樹
檻外星辰拂綺筵石鏡秋懸黃鶴夢金沙風起白龍眠
已從北極瞻南斗更望中臺接上元

江夏志

題黃鶴樓小景

黃鶴飛來凌紫烟漢江春水碧連天懸知仙子登樓興
多在紅雲帝座邊

同上

登黃鶴樓寄童太史士疇

有樓崑崙兮江之陽
檜楣芝榜兮星河光
穹窿顛顛挂飛蜺兮
絡天梁綺疏朱綴兮
敞都房鵠山龍窠以
連蜷兮大別對峙崕
峴窄嶺而環障江漢
沅澧沱潛洞湘走其
下兮風霆怒號而燭
張噫吁嘻黃鶴來翔
兮歲之暮吾欲高駝
而軒翥兮天之路招
禰衡於鸚鵡兮歌桂
樹桂樹枝繚兮蚘蟻
明河燭湍兮牛女綢
繆仙人不來怵侘傺
兮恨彌留噫吁嘻黃
鶴欲去奈爾樓

同上

明王

格

字汝化京山人嘉靖丙戌進士改庶吉士出為分巡河北道按察司僉事隆慶初授太僕

黃鵠山志

卷八

八

退補齋藏板

寺少卿致仕著有少泉集

夢登黃鶴樓有作寤而續成六首之三

武昌城外漢江頭
萬古乾坤萬古流
可笑孫郎魚不食
年年血戰取荊州

清江泚泚石粼粼
月照當頭幕府賓
誰向胡牀說

一作誇

興廢西風塵起卻
汚人

鸚鵡洲前草色青
白頭浪裏見揚舡
請看石郭何人骨

夜夜江聲打不醒

江夏志

明羅洪先

字達夫吉水人嘉靖己丑進士第一官至贊善隆慶初贈太常寺少卿諡文恭著有冬游

望黃鶴樓

黃鶴樓前秋水長江天北望遠蒼蒼白雲千載歸何處
此日孤吟自夕陽蘋蓼已圍新睥睨汀洲猶見舊舩艚
誰家短笛城頭起不為烟波有故鄉

本集

明王世貞

字元美太倉人嘉靖二十六年進士歷官刑部尚書著有弇州山人稿

登黃鶴樓

縹緲高憑崔氏樓依微西眺禰生洲天容孤鶴排空上
水合雙龍抱郡流一代真成春雪偈千年誰識歲星愁

黃鶴山志

卷八

藝文

九

退補齋藏板

老夫聊翫人間世任遣浮雲黯不收

本集

明張居正

字叔大江陵人嘉靖丁未進士官至太師吏部尚書中極殿大學士諡文忠著有書經直解太嶽集

舟泊漢江望黃鶴樓

楓林霜葉淨江煙錦石遊魚清可憐買客帆檣雲裏見
仙人樓閣鏡中懸九秋槎影橫清漢一笛梅花落遠天

無限滄洲漁父意夜深高詠獨鳴舷

本集

明徐學謨

字叔明嘉定人嘉靖庚戌進士萬厯中為湖廣左布政使官至禮部尚書著有春明稿

將適郢城飲餞黃鶴樓

茲樓匪往觀冉冉驚代移黃鶴戀舊渚飛甍復參差予
亦縻尺組歷稔欣來斯山川曠疇昔超忽舒襟期於時
及春霽澄景麗以披英僚集時彥芳宴挹華滋迢迢漢
陽郭隔岸紛旌麾雲水入夕陰遲我以驅馳眷焉蒙惠
盼板賞未云疲班馬方蕭蕭沉湍臨路陂猥忝旬宣寄
空藉歲月私悠悠逐物役未遑詢惛蔑

本集

明吳國倫

字明卿興國人嘉靖庚戌進士授中書舍人
擢兵科給事中遷貴州提學副使河南參政

著有明
卿集

登黃鶴樓

黃鶴山志

卷八

藝文

十

退補齋
藏板

黃鶴仙人去不回海濱樓閣迴崔嵬千帆雨色當窗過
萬里江聲動地來雲夢天低湘女怨洞庭葉下楚臣哀
當時玉笛今寥落獨有梅花照客杯

明百卅家詩選

明林

章

字初文福清人萬厯元年舉於鄉累上春官
不第嘗走塞上從戚大將軍著有林初文集

登黃鶴樓作

望裏山川是楚鄉美人何處水茫茫
禰衡作客留江夏趙壹辭家出漢陽
鶴去未知芳草暗雁來先覺白雲涼
倚樓無限西風意堪與千秋一斷腸

明百卅家詩選

明蕭良有

字以占號漢冲漢陽人萬厯庚辰
進士國子監祭酒著有玉堂遺稿

望黃鶴樓用太岳韻

黃鶴樓前擁暮烟白雲深處動人憐雙江送浪波光湧
萬井浮空塔影懸芳草千年鸚鵡賦落梅五月鷓鴣天

浮沈漫問人問世回首西風獨扣舷 本集

明 鄒迪光

字彥吉無錫人萬曆甲戌進士官至湖廣提學副使年四十卽罷歸築室惠山多與文士觴詠著有鬱儀樓集

登黃鶴樓

憑陵矯首大荒浮萬里蒼梧接漢邱夜氣半銜三楚澗
天風長帶九嶷愁虛聞仙子乘雲去似有靈均鼓瑟遊

黃鶴山志

卷八

藝文

十一

退補齋藏板

最是晴川煙水滑片帆漠漠下揚州 本集

明 郭正域 見卷六

黃鶴樓二首

樓閣重開 一作重重 上女牆昔人曾此醉爲鄉烟橫巫峽千

山遠雨過瀟湘一水長依舊空中雲盡幻 一作白 不聞市

上鶴曾黃從教玉笛頻吹徹只恐神仙亦渺茫

黃鶴高飛去不留丹梯縹緲鎖丹邱 一作丘 遙連瀛海三千

界似接神仙十二樓滿眼帆檣飛 一作雲 漠漠一天烟樹晚

悠悠卻嫌李白少情思不肯 一作敢 題詩在上頭 黃離草

明毛一公字震卿遂安人萬厯己丑進士官至給事中著有歷代內侍考及詩文集

登黃鶴樓

十里江城入望來晴川煙樹面江開等閒折盡寒堤柳

此際何堪更落梅江夏志

明張鳳翼

按張鳳翼代州人萬厯四十一年進士授戶部主事官至兵部尚書詳見明史一云字伯起長洲人嘉靖四十三年舉人見明詞綜一云字九苞江夏人萬厯辛卯舉人見江夏志

題黃鶴樓圖

一聲長嘯向蓬山千歲桃花好駐顏只合獨騎黃鶴去

誤留仙蹟在人間歷代題畫詩類

黃鶴山志

卷八

藝文

十一

退補齋藏板

明鄧原岳

字汝高閩縣人萬厯壬辰進士官至湖廣按察司副使著有西原集

黃鶴樓二首

高樓突兀倚層顛漢沔豪華在目前山引鳳凰雲漠漠

洲迷鸚鵡草芊芊帆檣出沒烟波外鈴鐸依稀霄漢邊

果有真人吹鐵笛不妨參駕學神仙

形勢分明控楚都天中鶴馭遠相呼江山勝概還今古

詞賦風流更有無郢樹曲連雲夢澤漢川遙接洞庭湖

凭欄一望生惆悵零落當年笑霸圖本集

明袁宏道

字中郎公安人萬厯壬辰進士官吏部郎中與兄宗道弟中道有才名時稱三袁著有袁

偕王章甫陳公弼登黃鶴樓時章甫子宜卿及兒

子二仲皆從

江流千頃蹙雲烟樓閣雖高不似前畫板朱簷遮取盡

爭教容納好山川 本集

明袁中道

字小修公安人宏道第十餘歲作黃山雪賦五千餘言以文名萬曆三十一年舉於鄉又十四年成進士由徽州教授歷國子博士南京禮部主事天啟四年進吏部郎中著有珂雪齋集

集

再登黃鶴樓

黃鵠山志

卷八

藝文

十三

退補齋藏板

買看山水興猶清閒逐兒童樓上行窗外鐘聲大別寺

杯中堞影漢陽城峯連建業何曾斷浪接瀟湘總未平

小艇犯濤如履地果然水戰利南兵 本集

明龔三益

字武進人萬曆甲午解元辛丑進士官湖廣參政

登黃鶴樓次李西涯相國韻

仙人到處堪棲泊幻出白雲與黃鶴鶴去樓空事若何

江天一望成寥廓蛇蟠龜鎖誰開鑿鳳凰鸚鵡相纏絡

戛羽迴翔仙棗亭振衣俯視晴川閣隔江大別起孤峯

蛟龍跋浪馮夷宮帆檣遠自五湖至烟霞暗與三湘通

襟帶高深浩無極凭闌颯颯生雄風屈原宋玉久不作
獨有崔顥稱詩翁朝來銜命羅羣彥棘闌深鎖秋過半
藟草千齡伴藥籠丹砂五色凝柔翰物色由來重楚材
江山隱隱菁華見白華聊辭睇目譏熊湘倘復開生面
茲辰把臂共登臨願借并刀裁匹練醺酒還招跨鶴人
冉冉乘雲下霄漢

湖廣通志

明萬

燥

字聞夫南昌人兵部侍郎恭孫也萬曆四十四年進士授刑部主事遷屯田郎中崇禎初

贈光祿寺卿賜諡忠貞

黃鶴樓

黃鶴山志

卷八

藝文

十四

退補齋藏板

我欲乘黃鶴飄然物外遊檻前懷古淚且爲彌衡收

江夏志

明巖首昇

字平子一名頤字解人華容縣諸生著有瀨園集

黃鶴樓遇程子源

不料君逢此倉皇答問多隔年書到否近日事如何登

閣聲通市憑闌影動河斂情相視寂如在聽漁歌

本集

明錢澄之

字斂光初名秉鐙桐城人著有田間集

黃鶴樓同左子直孫威公鄧斯及夏振叔諸子卽

事四首

萬鵠磯頭四望開登臨千古客心哀山迴大別橫江抱
水過巴陵折地來帝子騎龍終不返仙人跨鶴幾時回
憑高莫話一作問興亡事白首青天酒一杯

鄂渚逢秋秋早清登樓面面見空明磯邊日落千帆渡
樹裏湖通九派平坐對晴川虛閣敞喧連漢口曉煙橫
昔年仙客經過地夜半時聞鐵笛聲

三楚風煙此最嘉客來空憶昔豪華漢陽樹盡餘衰柳
鸚鵡洲沈長白沙故國妝樓歸道院異時宮闕建軍牙
擬將遺跡詢沽叟無復臺邊舊一作賣酒家

黃鵠山志

卷八

藝文

十五

退補齋藏板

自昔臺邊酒味醇呂公買醉往來頻笛從竊換仙音杳
枕到眠酣世界真伐去棗一作草枯根不朽擲來桃一作果

爛蹟如新相逢指點多靈異游客還疑晒道人本集

明蔡道憲

字元白晉江人崇禎十年進士長沙府推官
張獻忠陷武昌直犯長沙被執不屈遂自刎
時年二十九贈太僕寺少卿
諡忠烈著有蔡忠烈公遺集

黃鶴樓夜飲惜別

綠蘋鸚鵡認何洲有酒便澆黃鶴樓縱說相逢無舊約
何能別去不生愁似遲明月來深夜已老江濤動晚秋
欲進一杯君徑醉隔檣自望水西頭本集

明江 權 字篁南新都人自稱江山人又曰霞石山人諸生幼習舉子業工詩古文辭著有江山人

集

黃鶴樓圖

我昔遊鄂渚訪古黃鶴磯夏登江山樓玉塵翩翩揮
簷凌天風六月無炎曦西瞻雪嶺寒東攀若木枝青蓮
居士曾搥碎黃鶴仙人安所之橫吹玉篳招子安逢逢
鼉鼓來馮夷別來塵埃近十載祇今夢寐猶瑰奇海陽
汪翁隱淪者日披絹素流杯竿開軒邀我觀此圖恍惚
乘風到江夏蛇山何崔嵬飛樓俯空闊鸚鵡悲禰衡高
黃鶴山志 卷八 藝文 十六 退補齋藏板

才多天闕九疑屏障疊連綿七澤波濤拍遠天朱簾繡
柱層霄上芳樹晴江禹廟前回首風光如舊觀不須倚
劍驚流年何當再鼓三湘棹騎鶴憑虛控紫煙 本集

登黃鶴樓故址

昔人乘雲在何所即此江上黃鶴樓樓前江漢勢頽洞
二水匯合成交流交流東入海白雲儼相待誰道雲中
樓一朝無復在武昌楊柳搖蕙暈飛翼翼波光炫佳
麗常憐漢女遊繁華易逐江雲變江雲來去只悠悠畫

麗常憐漢女遊繁華易逐江雲變江雲來去只悠悠畫

棟丹裳不可留崔嵬一炬隨飛電黃巾之賊令人愁我
向城頭履殘址閒尋片碣榛叢裏湧月臺書斷石蒼仙
棗摩挲長不死仙翁吹笛玉參差春草偏傷崔左司笛
聲杳絕靡蕪盡况復樓空意轉悲楚塞茫茫空四顧對
岸晴川已非故蕭條更有漢陽城落日離離幾江樹

明陶汝鼐

字仲調號密菴甯鄉人初貢成均崇禎癸酉舉人丁丑癸未兩中會試副榜授翰林院待

詔陞檢討著有榮木堂詩集

黃鶴樓酬郭無傷 戊辰

明月澹方舟幾來泊江夏黃鶴與晴川屢得亦苟且見

黃鵠山志

卷八

藝文

十七

退補齋
蕪板

子不習氣香豔窺班馬瑯嬛祕笈書而況皆弓冶微名
賺我來良晤若天假雖則茗椀間靜心各已瀉高不攫
世情熱亦歸風雅久無崔顥吟思君同白也新思怨落
花畏向春光灑紅樹若爲思憑樓綠飛瓦

本集

明陶汝鼐

字幼調甯鄉諸生密菴先生母弟

計部郭無傷招同周伯孔劉猶伯飲黃鶴樓

江寫秋容澹一亭高人偶聚只如星雲浮忽度晴川雨
日落猶生芳草青選句已成山水勝懷騷誰占楚湘靈
空天鶴路忘歸去何處吹簫月滿庭

沅湘耆舊集

明施均爵里未詳

登黃鶴樓

鸚鵡洲邊倚客舟，憲君邀我上高樓。胡床老子三更月，鐵笛仙人一曲秋。流水白雲吳夏口，西風黃鶴晉磯頭。如今盡屬王孫草，添得江南幾許愁。江夏志

國朝彭而述字禹峯，鄧州人。前明崇禎庚辰進士，授曲陽知縣。入國朝，官至貴州巡撫，終於雲南布政使。著有讀史亭詩集。

再登黃鶴樓

飛樓縹緲著江干，霜鬢登臨記往年。隔岸春城來檻外，

黃鵠山志卷八 藏云文 十八 退補齋藏板

亂帆斜日到尊前。山連秦蜀開荆甸，水下東南盡楚天。

回首滄桑生感慨，孫劉興廢幾茫然。湖北舊聞錄

國朝劉子壯字克猷，號稚川，黃岡人。明崇禎庚午舉人。順治己丑進士，第一。翰林院修撰，著有岷思堂集。

黃鶴樓

晴川與黃鶴，氣勢遙縱橫。靜見水聲合，空疑山勢爭。三

洲秋色遠，萬樹午風清。一作烟晴帆影中流處，遙遙江漢情。

本集

國朝王孫蔚字臨潼人，順治壬辰進士。官湖北提督學政，旋授按察使。

黃鶴樓

獨立飛樓尺五天，
牕環平野入樽前。
長江曉結千峯雨，
大別晴開萬樹煙。
紫雁北來迷楚浦，
白雲西去認秦川。
憑闌愁看陶公柳，
舞卻春風又一年。

江夏志

國朝許

虬

字竹隱長洲人順治癸巳舉人戊戌進士官至思南府知府著有萬山樓詩集

登黃鶴樓二首

黃鶴仙人不少留，
洲名鸚鵡更堪愁。
三湘登眺還吾輩，
千古江山獨此樓。
漢口夕陽銜遠岫，
武昌寒郭浸春流。
燒痕滿地閒生感，
回首烽煙野戍秋。

黃鶴山志

卷八

藝文

十九

退補齋藏板

攜壺憑檻塞雲橫，
懷古荆門鎮重兵。
春柳久荒陶侃壘，
寒潮直上呂蒙營。
滄桑盡付邯鄲枕，
烟月全消玉笛聲。
惟有芳洲春草色，
年年還傍大江生。

本集

陳廷敬

字子端號說巖澤州人順治戊戌進士由檢討官至大學士諡文正著有午亭文編

黃鶴樓歌送魏使君

我初旅食京華遊，
結髮願識韓荆州。
掖梧蕭蕭苑花寂，
憶昨含香西殿頭。
是時武英敷奏事，
九重動色親嗟異。
驄馬朝回白玉鞍，
銅龍夜直青綾被。
使君幾載為清郎，
我朝文采爭輝光。
宣武水樓烟柳碧，
城南古臺野菊黃。

聯翩不誤尚書期

龔宗伯
芝麓

婉孌能傾翰墨場
卽今會合

亦何有汪王程董
仝離久

茗文西樵阮
亭湟榛玉虬

別夢初驚朔塞

鴻離筵又醉都亭
酒青霄使者下南
雲翼軫星文拱北

斗使君家世清忠
臣步武流風應絕
塵要與丹青爭氣

象足令琬琰重嶙
峒江表人才席上
珍驂驅造父遇有

神送君車騎翩然
行仰視白日霜天
清秋色已老漢陽

樹春風空憶武昌
城我聞崔顥詩中
語黃鶴長江萬里

情白雲縹緲楚天
外黃鶴飛去樓空
在使君登樓黃鶴

來烟波渺渺心悠
哉

本集

黃鵠山志

卷八

藝文

三

退補齋
藏板

楊大鯤

字九搏武進人順治己亥進士官湖北分
巡下江防兵備道康熙二十一年此缺裁

重登黃鶴樓

樓前風月

一作物

亦何常湧月臺連
太白堂自古神仙
多

嗜酒幾人登眺不
懷鄉橘衣誰見蹀
蹀舞棗實何時纂

纂香閒盡孫劉無
限事不如對景一
飛觴

江夏志

趙士麟

字玉峯河陽人順治庚子舉人康熙甲辰
進士官至浙江巡撫著有讀書堂文集

南還黃鶴樓被火

客歲登臨欲覓仙
無端劫火忽燎然
樓憑翠嶂阿房焰

檻對晴川祇廟延
黃鶴遠翔蒼靄外
白雲還鎖碧峰前

可憐興廢茫無定獨有江流不記年 本集

國朝陶之典 一名大雲字五徽號澹菴甯鄉人順治間爲安親王府教習授內閣中書不就著有冠松

集

辛酉中秋登黃鶴樓作九老會

幾年松桂傍林邱難得憑高一散愁客棹送來黃鶴月

詞場擢入白雲秋天空煙露飛無際人集江山氣滿樓

此會吳剛先捉斧不教崔顥句當頭 本集

國朝程封 字伯建號石門江夏人順治間拔貢生任按察司經歷喜吟詠與王阮亭吳梅村杜茶村

諸公相唱酬著有山雨樓集

黃鶴山志 卷八 藝文 三

喜黃鶴樓新成

樓際重聽漢水聲四窗依舊白雲生當年玉笛重吹徹

此日朱甍又落成江上渺茫仙子路山前荒廢楚王城

登臨不禁悲今古猶見晴川樹影橫 本集

國朝吳綺 字園次其先由歙徙廣陵遂爲江都人順治間以明經薦入都應詔授祕書院中書舍人掌制誥遷兵部主事員外郎調工部屯田郎

中康熙丙午出知湖州府事晚年自號聽翁

著有林蕙堂集

黃鶴樓

天地寥寥賦遠遊此間樓接大江浮濤聲直下三千里

忍補齋藏板

雲氣遙連十五州霞表仙踪疑遠鶴河邊客舫泛羣鷗
那堪陵谷無長處鸚鵡難容碧草秋

黃鶴磯頭有所思檻前帆帶夕陽遲當年呂叟曾吹笛
何處崔郎更賦詩夾岸江城多事後倚欄山水欲歸時

楚王宮闕荆榛裏只許朝雲暮雨知 本集

國朝釋戒顯 字梅堂順治間居杭州靈隱寺著有現果隨錄

登黃鶴樓

誰知地老天荒後猶得重登黃鶴樓浮世已隨塵劫換

空山 一作江 仍入大江流楚王宮殿銅駝卧唐代真仙 一作

黃鶴山志 卷八 藝文 三 退補齋藏板

仙鐵笛秋極目蒼茫渺何處一瓢高卧亂雲頭 本集

胡鳴臯 字雲翥江夏人父德園潛心理學為楚名儒臯受庭訓康熙己酉舉人庚戌進士任河間

青縣事被議罷官旋開復補汝川令擢代州刺史調補臨清知州見江夏志

招鶴謠

誰云世上無神仙縹緲當年幻化間試看武昌城中辛

氏樓橘皮畫鶴何翾翾拍手向君舞乘雲忽飛去雲去

還復來鶴歸向何處吁嗟黃鶴胡不歸黃鶴之樓復崔

巍下有浩渺不斷之江水上有嶙峋湧月之高臺鸚鵡

迷離鳳凰徘徊吁嗟黃鶴胡不歸 江夏志

國朝

禪

岱 字靜齋滿洲人由內翰林祕書院侍讀累官吏部侍郎

同陶五嶽劉爾俊乘月登黃鶴樓

幾度瀟湘百戰回一尊攜處一徘徊橫江鶴影千年斷
隔岸鐘聲半夜來芳草未窮詞賦恨白雲消盡古今才
登臨懷抱仍愁絕浩浩烟波蕩未開 熙朝雅頌集

國朝

佟世思

字儼若一字葭沚漢軍人兵部尚書國正子官廣西思恩知縣著有與梅堂集

登黃鶴樓四首

高樓面面簇芙蓉好景真如畫裏逢大別橫空開一鏡
小孤逆浪鎖千峯山中繁露垂仙棗地上秋風亂古松

黃鵠山志

卷八

藝文

三

退補齋藏板

對此長江見晚照憑闌西望水溶溶

魏武曾書湧月臺磯頭流水尚灤洄澄江鼓吹凌空發
落日旌旗捲地來烏鵲聲喧愁野燒東南風起慟雄才
至今片石亭亭立憔悴寒花土一堆

江樹青青壓萬株年時兵住洞庭湖飢鳥失隊飛難定
戰骨沈江浸已枯燐火漁燈紛上下寒濤秋雨遠模糊
如今且喜妖氛淨獨立危樓許腐儒

漢口滔滔一水流千年財貨甲皇州兩江日影明魚網
十里風檣聚客舟去國何人新墮淚入秋此地最生愁

鷓鴣聽罷山將雨惆悵誰能不自頭熙朝雅頌集

國朝施世綸字文賢漢軍人靖海侯煇子襲爵官漕運總督著有南堂詩鈔

登黃鶴樓

縱目江山了芳洲黯淡容風雲飛燕雀雷雨壯蛟龍詞

賦空千古烟波浩萬重危樓看百尺縹緲挹仙蹤同上

國朝潘耒字次耕號稼堂吳江人康熙己未召試博學鴻詞授翰林院檢討受業於顧炎武著有類音八卷遂

初堂詩文集

武昌三面臨江水橫山如屏互城裏西風蜿蜒欲入江

壓以高樓半天咫三層迴與三霄鄰八面平當八風起

黃鶴山志卷八藝文三四退補齋藏板

遙看縹緲接一作浮蜃樓近睇崢嶸疊霞一作斜綺仙人遠

自清都來下視塵土驚崔嵬江山清曠殊可樂停鸞駐

鶴相徘徊草沒高唐觀水浸章華臺六朝興廢漚起滅

人民城郭都可哀世人擾擾風中絮真仙對面何由遇

但聞笛聲嘹唳松聲寒月白江空杳無處刻像標名兩

渺茫食棗得仙何荒唐但須淨埽胸中塵萬斛濯纓萬

里臨滄浪庾亮不堪弔禰衡何足傷白雲飛來勸一觴

拍手共入無何鄉本集

國朝朱彝尊字錫鬯號竹垞秀水人康熙己未以布衣召試博學鴻詞授檢討著有曝書亭集

聞鶴樓成賦寄楚中一二知己

平生未鼓湘江柁萬里投詩黃鶴樓壯觀百年今在眼
異時獨上迴含愁碧窗下湧焚山月紅葉斜連鄂渚秋
為報故人多釀酒飛筵真作漢南遊

本集

國朝

金德嘉

見卷七

黃鶴樓卽事

高樓自古足登臨此日逢君載酒尋花信正來梅落後
春光漸入柳絲深江山並是樽前客風月誰知醉裏心
仙子有時還弄笛願將幽感託清音

江夏志

黃鶴山志

卷八

藝文

三五

退補齋藏板

國朝

張希良

見卷五

九日登黃鶴樓

一上丹梯人境外秋高霜潔大江空洲沈鸚鵡波猶綠
山冷臙脂樹半紅辭賦豈能經浩劫樓臺不斷有雄風
與君醉把茱萸酒鶴渚龍峯興亦同

江夏志

國朝

顧景星

見卷六

答王黃湄黃鶴樓夜坐見柬二首

鸚鵡洲前百尺磯晴江空鏡落斜暉形同北斗城三面
烟繞浮圖樹一圍旋放釣筒先待月倦飛好鳥蚤知歸

此生自合漁樵伴不是山中戀布一作衣

丈人堅坐更何之日暮樓頭有所思自愛振衣招白鶴

誰家吹管亂黃鸝空留歲月憐雙髻敢向乾坤數二兒

天壤王郎原不俗筆牀茶竈肯相隨本集

黃鶴樓夜眺

瞋色動巍峩江聲萬井多烟生渾陸海燈出倒星河舊

鬼猶聞哭軍謠不似歌郎鄉西去路在在有橫戈本集

黃鶴樓弔古

城上樓臺接渺漫半空笑語俯闌干烟光鼎足三分立

黃鶴山志

卷八

藝文

三

退補齋藏本

帆影波心一羽看閱世豈須乘鶴老生涯擬截釣魚竿

愁邊江水無情極獨自朝宗急下灘本集

秋盡獨登黃鶴樓望見經略相公回京

鶴山秋盡俯晴空百里雲濤在眼中櫺檻長開三面水

塔鈴不斷四時風扁舟何處閒漁父汗馬南來擁相公

耳熱忽思王粲輩無聊流滯賦江東本集

黃鶴樓寄懷岳州王戶曹判官前吳江教諭國子助教

東吳洞庭名具區岳陽洞庭天下無羨君作吏濱兩湖

清聲在楚如在吳橋門生徒良太迂籬糧負笈羣追呼

梓中舊饌青苜蓿幕下新種紅芙蓉先生有時乘板輿
城南萬艦量軍儲歸來閉閣一事無移床清論同誰與
洞庭水起君山沒千里余舟易超忽夢騎黃鶴攜子安
一夜橫飛洞庭月明月照我還照君晴川遙望岳陽雲
樓頭橘藩無憑寄笛裏梅花可得聞

本集

黃鶴樓寄紀伯紫

憶昔孝侯臺上客一時文采擅揚州廿年江畔離愁老
六月樓高烟雨秋宰相白衣原自好故人青眼可能留
卽看翼際山頭水朝夕還經幕府流

翼際卽大別幕府山在金陵城西

黃鶴山志

卷八

藝文

七

退補齋藏板

本集

阮玉堂

字履庭號琢菴江都人占籍儀徵康熙辛卯武舉人乙未進士授三等侍衛官湖北興國營參將以孫元貴誥贈資政大夫著有珠湖草堂詩集

黃鶴樓

鄂渚聳仙樓奇觀一望收八窗接雲影萬派滙江流
崔顥詩稱絕禰衡怨未休梅花銷玉笛黃鶴付悠悠

淮海

英靈集

石帽森

字天半號迂叟湖南湘潭人諸生著有桐廬詩鈔

黃鶴樓

秋色空濛古鄂州
蒹葭如雪抱江流
誰招黃鶴乘雲下
指點當年舊酒樓

沅湘耆舊集

國朝 陳 確

字釋思長沙人

黃鶴樓聽友人吹笛

樓中題額有天下江山第一樓此米海岳句也

輞口詩人鵠渚遊
酒酣逸興橫
滄州憑將梅柳無
雙管吹向江山第一樓
隔岸雲峯生莽莽
遠天帆影去悠悠
青蓮漫道無佳句
萬古荒涼鸚鵡洲

同上

國朝 易 最

字爾眉湘鄉人諸生有杏園集

黃鶴樓

黃鶴山志

卷八

藝文

三

退補齋藏板

總角初登眺於今四十秋
江聲仍遠渚月影尚危樓
老病荒年劇蹉跎壯志休
長安何處是明發一扁舟

同上

國朝 陳一揆

字宅衡一字孟巖龍陽人康熙中拔貢生著有畝餘集

黃鶴樓

不復登樓四十年
滄桑人老鶴應憐
磯頭爲問辛家酒
爛醉誰家不索錢

鸚鵡嗁殘芳草洲
鳳凰棲老碧山頭
輸他無盡登臨客

一片白雲秋復秋

同上

國朝 王 啟

字虎止衡陽人康熙朝貢生著有蕉畦存稿

黃鶴樓

昔聞黃鶴樓今極清江日昨夕生秋風蕭條景相屬
醉甯有蹤士醒良勿告長湍激鸚鵡小渚聞鷓鴣大別
映遠清寒光淒以肅暝色生荻洲餘情眷芳陸

同上

鬪張文炳 字質夫號南麓湘潭人康熙丁卯舉人累官仙居文登知縣著有隣嶽堂集

黃鶴樓

最是牢騷難遣處浩然江上一登臺連天雲氣雙峯合
動地濤聲七澤來賦就浪傳鸚鵡手詩窮誰識鳳凰才
鄉園南望無多路歸去黃花次第開

同上

黃鶴山志

卷八

藝文

三九

退補齋藏板

鬪簡 能 字坤若湘鄉人康熙甲子舉人官徐溝令著有帶江堂集

黃鶴行

黃鶴黃鶴何時來赤鳳西走金烏催仙翁愛酒煙霞開
黃鶴一騎驂雲雷鐵笛橫吹壯士哀積風負翼孤徘徊
我聞鷹獻楚王臺鵬雛毛血如雲堆仙翁招手呼天台
黃鶴黃鶴何時來

同上

鬪陳之騷 字桃文攸縣人康熙中貢生著有島孫詩文鈔

黃鶴樓漫成

樗里骨銷宮闕聯嶙峋鈴塔俯江煙仙人騎鶴歸何處

大別如龜相對眠望氣柄遲悲故國吹風指畫亂青年

我行一下玄祠去問有楚封香火錢 同上

國朝 陳大章 字仲夔號雨山黃岡人康熙戊辰進士改庶吉士著有玉照亭詩鈔

同張宏遠登黃鶴樓

平楚風煙莽四圍醉舒望眼欲無依人當元氣中間立

鳥向孤雲盡處飛酒肆浪傳辛氏法羽流聞著洞仙衣

上樓腳力休誇健更躡危亭坐翠微 本集

國朝 魏 坤 字禹平浙江嘉善人康熙己丑舉人著有倚晴閣集

登黃鶴樓作

黃鵠山志 卷八 藝文 三 退補齋藏板

江聲已吞大別口東之不住復東走怒濤萬頃天風號

沙岸日斜鼉欲吼一葉翦過煙波灣登樓憑徧十二欄

忽飛涼雨濺衣溼白浪高於黃鵠山山川滿眼來蕭索

吟髻互垂且孤酌青蓮畢竟非仙才崔顥題詩不敢作

醉擬橫將鐵笛吹歸向仙人借黃鶴 本集

國朝 李為霖 爵里未詳

黃鶴樓

蛇山之首漢江尾危樓截業奇且偉勢如鳥革如翬飛
上去青天咫尺幾風雨戶牖臨空開簷牙八面生莓苔

直指青霄燕影落，倒入長江蛟陣回。晴川高閣遙相峙，芙蓉花外漢陽市。賈客操舟逐逝波，望中有若軒與輕。巍巍大別踞其西，東接高觀烟樹齊。更上層樓窮醉眼，置身天際眾山低。俯睇江河日東下，千里帆檣怒濤瀉。一聲欸乃起汀洲，幾點漁燈明子夜。夜深有客獨憑樓，明月飛來樓上頭。金楹斜出天河近，哲哲蒼前星欲流。武昌城裏十萬戶，烟火霏微難指數。迷離不辨楚王宮，波明疑是滋陽渚。南樓勝事不可追，七重九柱亦何爲。玉笛飛聲到樓角，江淮人動楚天悲。爛漫題詩滿亭側，黃鶴山志

卷八

藝文

三

退補齋藏板

誰云有景道不得，嘯歌忽覺天地寬。冷然欲生乘風翼，鸚鵡洲沈古渡前。黃鶴磯頭酒旆懸，安得歸來同白鶴。吹笙重見緱山嶺，湖廣通志

國朝

夏嘉瑞

字人淑，孝感人，諸生，著有松雲詩草。

登黃鶴樓

天風四射作孤吹，甲馬江聲雲陣披。鼓角蕭閒新度曲，樓臺鼎易再留詩。白沙窟宅神鼇守，赤幟風騷我輩支。卻望楚宮寥落盡，倚空長嘯欲何之。同上

國朝

張連登

見卷七

登黃鶴樓二首

千秋一勝歸然高喜御天風攬繡袍遠岫煙浮爭拱翠
大江練淨不飛濤猶憐芳草催新賦直取梅花補楚騷
何羨昔人來控鶴昇平歌吹是仙墩

敕書再建歷蓬萊十二紅窗碧霧開代遠何妨鸚鵡去
時清定有鳳凰來煙霞不盡搖詩筆形勢長宜對酒杯
好接九天霖雨近萬家齊□□春臺

江夏志

九日同人登黃鶴樓晚歸四首

木落江城菊已黃漢南煙景又重陽湖湘晝夜東歸海

黃鶴山志

卷八

藝文

三

退補齋
藏板

鴻雁飛鳴北去鄉一路芙蓉侵劍佩半山嵐翠上衣裳
閒來爲問庾開府何處風流勝武昌

從來勝地喜登臨不厭苔階屐齒侵江漢路分平楚濶
魚龍秋老暮濤深一川雲氣爭消長五夜鐘聲變古今
欲折黃花尋故事蕭蕭短髮未須簪

落日蒼茫下鄂州長空依舊大江流阿誰待月閒吹笛
有客看山獨倚樓蘆葦白搖寒鷺影蓼花紅綻滿湖秋
莫辭躑躅歸來晚更向雲霄最上頭

一層松影一梯雲黃鵠磯頭望已曛疊石不教鯨作浪

到山應許鶴爲羣
眞人手授茱囊古
仙樂親從紫府聞

今日高朋稱滿座
閒偷醉眼看參軍

同上

鬪

涂天相

字燮菴號存齋一號迂叟孝感人康熙癸未進士官至工部尚書著有靜用堂偶編

鶴樓望雨

楚天昨夜舞商羊
帆落江干萬里忙
望斷衡山秋色晚
窗迎漢水客心涼
風翻雪浪驚鸚鵡
煙鎖晴川隱鳳凰
巾角折來猶載筆
重添墨霧灑瀟湘

同上

鶴樓早望

鶻噪深林客枕斜
晴樓初曙映一雷
一作餘霞南薰吹落江

黃鶴山志

卷八

藝文

三

退補齋藏板

梅冷西爽迎來石
鏡華朝露溼雲晴
帶雨曉風逐水浪
翻花黃梁不解人
間夢日映千村戶
半遮

同上

鬪

沈國梓

字濟川仁和人

黃鶴樓用崔司勳詩爲首句八首

錄一

此地空餘黃鶴樓
身閒竟日坐樓頭
山林落葉參差舞
客棹驚風次第收
玉笛已無仙子曲
水花猶漾洞庭秋
長江形勝眞天塹
自是羣雄據上游

杭郡詩續集

鬪

楊紹奇

字大可錢唐人

黃鶴樓同沈濟川作

昔人已乘黃鶴去此日空懷黃鶴仙縹緲不隨江月到
風流應逐楚雲傳杯銜落日臨城北樓鎖飛濤繞檻前
形勝巍然何處好碧山紅樹總無邊同上

國朝李東白京山人見祥異

游黃鶴樓

西望家山一改容白雲飛盡楚江空興饒老子胡牀上
秋在仙人鐵笛中鄂渚霜花沿岸白漢陽楓樹隔江紅
倚闌拍手招黃鶴千古登臨感慨同漁洋詩話

國朝汪文孫字孝猷錢唐人也謙孫著有羈音集

黃鶴山志卷八藝文

同錫山侯駿聲呂恂令飲黃鶴樓卽事

尊酒翻於客路開相從良友共徘徊江寒十月無梅放
日暮孤洲有雁來黃鶴空留磯上跡白雲時覆掌中杯
情深何忍輕歸去偏恨斜陽樹樹催杭郡詩續輯

國朝張若衡字戊進士官雅州知州江夏人康熙丙

步撫軍晏一齋登黃鶴樓韻

舊識司勳賦擅場後先輝映並汪洋域中形勝推江夏
眼底風光盡漢陽澤國哀鴻思輯翼野田孤鶴望飛翔
登高作賦等閒事極目芸芸紀奏章江夏志

張鵬翀字天扉嘉定人雍正丁未進士授編修官至詹事府詹事著有南華詩鈔

渡江登黃鶴樓

鄂渚雲陰撥不開一帆飛雨過江來樓頭有客吟芳草
笛裏何人怨落梅陳蹟漫尋鸚鵡渡歸心先指鳳凰臺

應試金陵題詩閣盡千秋筆空倚寒流酌酒杯本集

周廷贊字賓朝一字河邊沙富人好古樂善史學貫通易理精粹工吟咏著有河邊集

登黃鶴樓

落日高樓萬里寒浮生多故獨憑欄雲連五嶺江流暗

雪滿三湘雁影殘夏口樓皇悲異國武昌牢落恥儒冠

黃鶴山志藝文卷八三五退補齋藏板

傷心忍向晴川水朝夕南來掩袂看續岡州遺稿

朱倫瀚字涵齋一字亦軒漢軍人康熙壬辰武進士累官副都統著有問青堂詩集

武昌秋興

黃鶴高樓聳碧空晴川傑閣漢陽東雲吞夏口三秋雨

帆挂天門半夜風城郭夾江懸一鏡山川分勢走長虹

遙憐赤壁煙波外落日寒沙照眼紅熙朝雅頌集

熊賜履字敬修孝感人康熙戊戌進士官至大學士著有問道錄學統經義齋集

黃鶴樓

勝蹟爭傳黃鶴樓莎場灰劫幾經秋魚龍出沒千峰亂

烟雨迷離一水收芳草至今連郢樹西風何處問蘆洲

雲山隱隱空岑寂淚盡寒江未肯流 本集

國朝劉統勳 字延清諸城人雍正甲辰進士官至大學士諡文正

凌琢臣學使招登黃鶴樓四首 錄二

霸國雄風舊所聞憑欄空闊出塵氛寒潮近挾晴川雨
暖氣高連大別雲關塞萬重迷楚望舳艫千里會江濱
時清不用誇形勝坐看平波接綺紋

昇平景物自繁華綠樹紅牆照水涯楊柳春風人顧曲

高樓明月客思家中流簫管飛銀榜舊苑簾帷隱絳紗

黃鶴山志 藝文 卷八 三美 退補齋藏板

翠羽明珠通市舶蠻烟猶送日南花 卧園詩話

黃鶴山志卷八 終

男宗廉校字

